



II. ATALA BIZKAIKO LURRALDE HISTORIKOKO TOKI ADMINISTRAZIOA

Mungiako Udala

«Mungia indartzen» diru-laguntza programa hirugarren deialdia

2021eko azaroaren 17an Alkatetza Dekretuak honako ebazte dau:

«Oinarrien testu osoa Bizkaiko Aldizkari Ofizialean, udaletxeko ediktu-taulan eta Udalaren webgunean argitaratzea.»>>

Erabagiari jarraituta, oso osorik argitaratuko da aitaturako testua I. eranskina moduan.

Mungian, 2021eko azaroaren 17an.—Alkatea, Ager Izagirre

**MUNGIA INDARTZEN- DIRULAGUNTZA-PROGRAMAREN HIRUGARREN DEIALDIA**

Toki-erakundearen eskumenak, oro har, honako hauen bidez daude zehaztuta: bate-tik, Toki Araubidearen Oinarriak arautzen dituen apirilaren 2ko 7/85 Legea, hau da, Espainiako Konstituzioaren 149.1.18 artikulua betez Estatuko Administrazioak emandako toki-araubidearen oinarritzko araudia; eta, bestetik, autonomia-erkidegoen legerian aurreikusitako baldintzak; izan ere, Autonomia Estatutuaren 10.25 artikulua ezartzen du Euskal Autonomia Erkidegoari dagokiola era eskusiboan Euskal Autonomia Erkidegoko ekonomiaren sustapenaren, garapenaren eta plangintzaren arloko eskumena.

Toki Araubidearen Oinarriak Arautzen dituen Legearen 7.2 artikulua xedatzen duenez, udalerrien, probintzien, uharten eta gainerako lurralde-erakundearen berezko eskumenak legez baino ezin izango dira zehaztu, eta autonomia-araubidean eta horren erantzukizunpean gauzatzen dira, betiere programazioan eta gauzatzean gainerako administrazio publikoekin behar bezala koordinatuta.

Kasu honetan, Toki Araubidearen Oinarriak Arautzen dituen Legearen 25.1.e) artikulua ezartzen du toki-erakundeek eskumena dutela gizarte-bazterketako egoeran edo arriskuan dauden pertsonen berehalako arreta emateko, eta Euskadiko Toki Erakundeek buruzko apirilaren 7ko 2/2016 Legearen 17. artikuluan 25. atal ezartzen du udalerrien eskumen propioak direla tokiko garapen ekonomikoa eta soziala eta tokiko enplegu-politikak edo planak.

Era honetara, interes publikoa babestu nahi da, udalerriko ostalaritza-establezimenduei euskarria emanez, COVID-19k eragindako krisiaren eragina minimizatzeko eta, behin alarma-egoera amaituta, tokiko ekonomia ahalik eta lasterren suspertzea lortzeko, pertsona fisiko eta juridiko kaltetuenengan zuzenean eragiteko. Hori guztia, eremu horretan beste administrazio batzuek dagoeneko hartu dituzten edo har ditzaketen neurri eta akordioei kalterik egin gabe.

1. Programaren xedea

Oinarria hori dela, Mungia ostalaritza sektoreko pertsona fisiko edo juridikoentzako laguntza-lerro honen helburua hau da: alarma-egoeraren ondorioz eta egoera epidemiologikoaren eta ezarri diren baldintzen bilakaeraren ondorioz euren jardura garatzeko izan duten zuzeneko galera ekonomikoa arintzea.

2. Oinarriak eta araudi aplikagarria

- a) Deialdi hau arautzen duen oinarri arautzailea Mungia Udalaren Diru-laguntzen Ordenantza Orokorra da.
- b) Deialdi hau, oro har, honako honen arabera arautuko da: oinarri arautzaileak, Diru-laguntzei buruzko azaroaren 17ko 38/2003 Lege Orokorra (aurrerantzean, DLO) eta hori garatzeko uztailaren 21eko 887/2006 Errege Dekretuaren bidez onartutako erregelamendua.
- c) Diru-laguntza hauen kudeaketa publikitate, lehia, gardentasun, objektibotasun, berdintasun eta diskriminaziorik ezaren printzipioei lotuko zaie, bai eta helburuak betetzeko eta baliabide publikoak esleitzeko eta erabiltzeko eraginkortasunari ere.

3. Diru-laguntzaren xede diren ekintzak

Mungia Udalak emandako baliabideak helburu jakin batzuetarako erabili beharko dituzte programa honen onuradun direnek; hain zuzen ere, honako hauei aurre egiteko:

- Negozioaren funtzionamenduari lotutako gastu finkoak, hala nola errenta-gastuak, energia-gastuak, kanpoko zerbitzu profesionalak (aholkularitza, gestoria, garbiketa-zerbitzuak...), pertsonal-gastuak, aseguruak, etab.
- COVID-19 birusetik babesteko hartutako neurriak, hala nola manparak, gel hidroalkoholikoa eta banagailuak, maskarak, eskularruak, bereizteko baliabideak, seinaleak eta abar erostea eta instalatzea.



- Negozioa COVID-19aren garaiko testuinguru ekonomiko berrira egokitzeko inbertsioak, hala nola egokitzapen teknologikorako neurriak hartea, terrazak edo negozioen barrualdeak egokitzeko jarduketak (obrak eta instalazioak egitea), etab.

Ez dira diruz lagunduko:

- Balio Erantsiaren gaineko Zerga, baldin eta horrek ez badio enpresari gasturik eragiten. Hori egiaztatzeko, Foru Ogasunaren dokumentazioa aurkeztu beharko da.
- Salgaiak edo negozioaren zerbitzuak merkaturatzeko edo emateko produktuak erostea.
- Lokala erosteari lotutako hipoteka edo mailegua.

4. Aurrekontu-kreditua

Eskatzaileen artean gehienez 81.000,00 euro (laurogeita bat mila euro) banatu ahal izango dira, eta gastua 50/2317/47101 aurrekontu-partidaren kargura egingo da «Transferentziak beste enpresa batzuei, ETEei eta autonomoei, COVID-19».

Dirulaguntza hauek Mungiako Udalaren Diru-laguntzen 2020-2023 Plan Estrategikoan jasota ez badaude ere, COVID-19aren pandemiak eragindako osasun-larrialdia-
ren ondorioz gertatutako egoera eta alarma-egoera deklaratu zenetik hartutako neurriak ikusita, apirilaren 2ko 7/1985 Legearen 21.1 m eta s artikulua emandako ahalmenak erabiliz, alkateak onartu egin du deialdia. Egiten den hurrengo osoko bilkura, eta EGPn sartzera bidaliko da.

5. Laguntzen zenbatekoa

Diru-laguntza hauetarako, indarrean dagoen udal aurrekontutik 81.000,00 euro (laurogeita bat mila euro) erabiliko dira guztira 50/2317/47101 aurrekontu-partidaren kargura.

Establezimendu bakoitzeko 1.000,00 euroko (mila euroko) zenbateko finkoa emango da.

Emandako laguntzen zenbateko osoak ezin izango du, inola ere, dagoen kreditua gainditu. Laguntzen finantzaketari lotutako aurrekontu-baliabideak nahikoak ez badira egindako eskaerei erantzuteko, kreditua modu proportzionalen banatuko da eskaera guztien artean.

Laguntza horiek ezin izango dute inola ere gainditu aurkeztu diren eta horrela justifikatu diren diruz laguntzeko moduko ekintzen benetako kostua.

Diru-laguntza bakarria emango da enpresa edo jarduera bakoitzeko. Enpresa edo jarduera bakoitzeko eskabide bat baino gehiago aurkeztuz gero, lehenengo aurkeztutakoak hasiko du izapidea, eta gerokoak automatikoki ezetsiko dira.

6. Beste diru-laguntza batzuekiko bateragarritasuna

Laguntza hauek bateragarriak izango dira beste administrazio batzuetatik datorren beste edozein diru-laguntza, diru-sarrera edo baliabiderek, salbuespena Lanbide – Euskal Enplegu Zerbitzuak onuradun eta kontzeptu berdinentzat ematen dituen laguntzak izango dira.

Diru-laguntzen zenbatekoak ezin izango du inoiz gainditu diruz lagundutako jardueraren kostua, berak bakarrik edo beste diru-laguntza, diru-sarrera edo baliabide batzuekin batera.

Behar denean, martxan jarriko da 38/2003 Diru-laguntzen araudian aurreikusitako itzulera-prozedura.

7. Laguntzaren onuradun izateko baldintzak

Diru-laguntza hau hauek eskatu ahal izango dute: Mungian establezimendua duten ostalaritza sektoreko pertsona fisikoek (autonomoak, ondasun-erkidegoetako eta sozietate zibiletako bazkideak edo nortasun juridikorik gabeko beste erakunde ekonomiko batzuk) edo pertsona juridikoek, beren kargura langileak izan edo ez izan, baldin eta beraien jardueran eragina izan badute COVID-19ri aurre egiteko hartutako neurriek, eta baldintza hauek betetzen badituzte:



- Mungian jendaurreko lantoki edo establezimendu bat izatea, zerga-egoitza edonon dutela ere. Nolanahi ere, jarduera in situ egin beharko da jendearentzat zabalik dagoen establezimendu batean, eta JEZ (Ekonomia-jardueren gaineko zergaren) talde hauetakoren batean sartu beharko da:

67. *zatiketa*: Elikadura zerbitzua.

68. *zatiketa*: Ostalaritza Zerbitzua.

Taldea	Izena
671	JATETXEETAN
672	KAFETEGIETAN
673	KAFEETAN, TABERNETAN, JANARIAREKIN ETA JANARIRIK GABE
674	BEREZIAK JATETXE, KAFETEGI ETA KAFETEGI-TABERNETAN
677	ELIKAGAI-ESTABLEZIMENDU EDO -ZERBITZUTIK KANPO EMANDAKO ZERBITZUAK
681	HOTELETAN ETA MOTELETAN OSTATUA
682	OSTATU ETA PENTSIOETAN OSTATUA
683	OSTATUA FONDOETAN ETA OSTATU-ETXEETAN
684	APARTAHOTELETAN OSTATUA
685	HOTELEZ KANPOKO OSTATU TURISTIKOAK
686	APARTAMENTU PRIBATUEN USTIAPENA

- Diru-laguntzei buruzko azaroaren 17ko 38/2003 Lege Orokorraren 13.2 eta 13.3 artikuluetan jasotako egoeraren batean ez egotea, eta Bizkaiko Foru Ogasunarekiko eta Gizarte Segurantzaren Diruzaintza Nagusiarekiko (GSDO) zerga-betebeharrak egunean izatea.
- Mungiako Udalarekin zorrik ez izatea.
- Mungiako Udalak aurretik emandako edozein diru-laguntza justifikatu izana, betiere justifikatzeko epea amaitu bada.
- Autonomoen kasuan, alarma-egoera deklaratzeko den egunean (martxoaren 14an) autonomo gisa afiliatuta eta indarrean alta emanda egotea (2020ko urriaren 25ean).
- Negozio operatiboak dituzten profesional erretiratuen kasuan (hori Foru Ogasunak emandako ziurtagirian jaso beharko da): alarma-egoera deklaratzeko den egunean (2020ko urriaren 25ean) alta emanda dauden langileak izan beharko dituzte (besteren konturako langileak edo autonomo laguntzaile gisa).
- Gainerako kolektiboen kasuan, oinarri hauek argitaratzen diren egunean legez eratuta eta dagozkien erregistroetan inskribatuta egotea, eta Gizarte Segurantzako araubidean edo dagokion mutualitatean alta emanda egotea.

Ezin izango dira onuradun izan Diru-laguntzei buruzko Lege Orokorraren 13. artikuluan aurreikusitako baldintzetakoren batean daudenak.

Era berean, ezin izango dira onuradun izan honako egoera espezifiko hauetakoren batean dauden pertsonak eta erakundeak:

- a) Dagokion deialdia irekitzen denetik zenbatzen hasita, azken hiru urteetan epai irmo baten bidez kondenatuak edo administrazio-ebazpen irmo baten bidez zigortuak izan direnak; hain zuzen ere, lan-arriskuen prebentzioaren arloan indarrean dagoen araudia modu larrian edo oso larrian ez betetzeagatik.
- b) Dagokion laguntza-deialdia ireki aurreko urtean epai irmo baten bidez kondenatuak izan direnak, bidezko ez den kaleratzeagatik edo kaleratzea deuseza izateagatik.
- c) Dagokion laguntza-deialdia ireki aurreko urtean, administrazio-ebazpen irmo baten bidez edo epai judicial irmo baten bidez zehatuak edo kondenatuak izan dire-



nak; hain zuzen ere, indarreko legeriak diskriminatzailetzat jotzen dituen lan-jardunbideak bultzatu edo onartzeagatik.

8. Onuradunen betebeharrak

1. Diru-laguntzei buruzko Lege Orokorraren 37. artikuluan eta/edo Mungiako Udalaren Diru-laguntzei buruzko Ordenantza Orokorraren 26. artikuluan jasotako kasuetan hartu diren funtsak itzultzea.

2. Diru-laguntzei buruzko Lege Orokorraren 14. artikuluan eta Mungiako Udalaren Diru-laguntzei buruzko Ordenantza Orokorraren 8. artikuluan zehaztutako betebeharrak betetzea.

3. Diru-laguntzen arloan indarrean dagoen araudiak aurreikusitako finantza-egiaztapenerako eta kontrolerako jarduerak onartzea.

4. Laguntza hauen onuradunak behartuta egongo dira laguntza ematen, eta dagozkien kontrol-eginkizunak betetzean eskatzen zaizkien frogak aurkezten.

5. Helburu bererako beste edozein laguntza ekonomiko lortu dela jakinaraztea, dela publikoa dela pribatua, eta, betiere, jasotako zenbatekoa berariaz adieraztea.

6. Laguntza hauen onuradunek, laguntza-eskaera aurkeztearekin batera, berariazko baimena ematen diote Mungiako Udalari beste administrazio eta enpresa publiko batzuei informazioa eskatzeko eta/edo emateko, edozein fasetan informazio hori egiaztatzeko eta kontrolatzeko lanak egin ditzaten

7. Laguntza hauen onuradunei oinarri hauetan aipatzen diren diru-laguntzen araudi orokorrean araututako erantzukizun, arau-hauste eta zehapenek eragingo diete.

9. Eskabideak aurkezteko epea eta modua

Eskabideak aurkezteko epea hamabost egutegi-egun izango da, deialdiaren laburpena Bizkaiko Aldizkari Ofizialean (Bizkaiko aldizkari Ofiziala) argitaratu eta hurrengo egunetik hasita.

Deialdi honetan araututako diru-laguntzak lortzeko eskabide-eredu normalizatua udalaren webgunean egongo da eskuragarri: <http://www.mungia.eus>.

Eskabidea Mungiako Udaleko Herritarren Arretarako Zerbitzuan (HAZ/SAC) aurkeztu da; edo, bestela, egoitza elektronikoaren bidez, dagokion dokumentazioarekin batera.

Eskabide bat izapidetzeko onartua izateak ez du laguntza emateko inolako konpromisorik sortuko.

Deialdia Diru-laguntzen Datu Base Nazionelean eta Udalaren webgunean argitaratu da (<http://www.mungia.eus>).

Diru-laguntza eskaera ezarritako epetik kanpo aurkeztea eta nahitaez erabili beharreko formulario normalizatuak ez erabiltzea ez onartzeko arrazoiak izango dira.

10. Eskaeraren edukia eta aurkeztu beharreko dokumentazioa

Interesdunak edo haren legezko ordezkariak sinatu beharko du eskabidea, eta honako agiri hauek aurkeztu beharko ditu nahitaez:

Pertsona fisikoek edo nortasun juridikorik gabeko ondasun-erkidegoak edo sozietate zibilak osatzen dituzten bazkideek hau aurkeztu beharko dute:

- a) Eskatzailearen NANaren fotokopia.
- b) Sozietatearen edo erkidegoaren IFZren fotokopia.
- c) Errolda-egoeraren ziurtagiri eguneratua (Jarduera Ekonomikoen Ziurtagiria), jarduera ekonomiko nagusiaren JEZ epigrafea, alta-data, helbide fiskala eta, hala badagokio, jarduera garatzeko lokalaren erreferentzia adierazten dituenak.
- d) Eguneratutako langile autonomoaren lan-bizitza, eskariaren data kontuan izanda, oraintsukoa dena.
- e) Eskatzaileak Foru Ogasunarekiko zerga-betebeharrak egunean dituela egiaztatzen duen agiria.



- f) Eskatzaileak Gizarte Segurantzarekiko betebeharrak egunean dituela egiaztatzen duen agiria.
- g) Profesional autonomo laguntzaileen kotizazio-datuen buruzko txostena (IDC).
- h) Diruz lagundutako gastuen fakturak eta ordainagiriak, 3. artikuluan jasotakoak.

Gastuak faktura bidez egiaztatuko dira. Faktura horiek diruz laguntzeko moduko aldian jaulki beharko dira, 2021eko ekainaren 1etik deialdi honetako eskabideak aurkezteko epea amaitu arte. Faktura horien ordainketa bankuko ordainagiriak aurkeztuta egiaztatu beharko da.

Diru-laguntzaren eskatzaile diren pertsona fisikoek edo parekoek, Mungia Indartzen laguntzen lehen edota bigarren deialdiaren onuradun izan badira, eta ordurik hona datuak aldatu ez badira, c), d) eta h) agiriak baino ez dituzte aurkeztu beharko diru-laguntza eskatzerakoan.

Negozio operatiboak dituzten profesional erretiratuek, dagokionaren arabera, kontratatutako Langileen Altako Txostena (ITA dokumentua) edo autonomo laguntzaileen Kotizazio Datuen Txostena (IDC) aurkeztu beharko dute.

Pertsona juridikoez hau aurkeztu beharko dute:

- a) Laguntzaren eskatzaile eta ordezkariaren NANaren kopia.
- b) Eskatzailea ordezkatzeko ahalmena erakusten duten ziurtagiriak.
- c) Dagokion erregistroan inskribatutako eraketa-eskiriturak eta estatutu eguneratuak.
- d) Merkataritza-sozietatearen IFZ kopia.
- e) Errolda-egoeraren ziurtagiri eguneratua (Jarduera Ekonomikoen Ziurtagiria), jarduera ekonomiko nagusiaren JEZ epigrafea, alta-data, helbide fiskala eta, hala badagokio, jarduera garatzeko lokalaren erreferentzia adierazten dituenak.
- f) Enpresan dedikazio eskusiboa duten langile bazkide autonomoaren/autonomoen lan-bizitza eguneratua, eskariaren data kontuan izanda, oraintsukoa dena.
- g) Eskatzaileak Foru Ogasunarekiko zerga-betebeharrak egunean dituela egiaztatzen duen agiria.
- h) Eskatzaileak Gizarte Segurantzarekiko betebeharrak egunean dituela egiaztatzen duen agiria.
- i) Diruz lagundutako gastuen fakturak eta ordainagiriak, 3. artikuluan jasotakoak.

Gastuak faktura bidez egiaztatuko dira. Faktura horiek diruz laguntzeko moduko aldian jaulki beharko dira, 2021eko ekainaren 1etik deialdi honetako eskabideak aurkezteko epea amaitu arte. Faktura horien ordainketa bankuko ordainagiriak aurkeztuta egiaztatu beharko da.

Diru-laguntza eskatu eta Mungia Indartzen laguntzen lehen edota bigarren deialdiaren onuradun izan diren pertsona juridikoez, Ogasunean eta Gizarte Segurantzaren ordainketak egunean izateari lotutako nahitaezko erantzukizunpeko adierazpenaren eremuak betetzen badituzte, eta euren datuak ez badira aldatu ordurik hona, e), f) eta i) agiriak baino ez dituzte erantsi beharko diru-laguntza eskatzeko orduan.

Pertsona fisiko zein juridikoez aurkeztu beharreko agiriak:

- a) Banku-helbideratzearen fitxa. Dagokion finantza-erakundeak ikus-onetsitako negozioari lotutako banku-kontuaren zenbakia duen inprimakia. Mungia Indartzen laguntzen lehen edota bigarren deialdiaren onuradun izan diren eta Mungia Indartzen datuetan erreferentziatzeko banku-kontua aldatu ez duten eskatzaileek ez dute aurkeztu beharko hau.
- b) Interesdunak edo ordezkariak sinatutako erantzukizunpeko adierazpena, eredu normalizatua erabiliz.

11. Prozedura

Diru-laguntza norgehiagoka-araubidea erabiliz emango da, eta balorazio-irizpide hau ezarriko da:

- a) Aurkeztutako eskabideak hurrenkera kronologikoari jarraituta egiaztatuko dira.



- b) Oinarriotan jasotako baldintza guztiak betetzen dituzten eskariei emango zaie laguntza.
- c) Mungialdeko Behargintza, SL erakunde laguntzailea izango da, eskabideak eta oinarri hauetan eskatzen diren baldintzak betetzen direla egiaztatzeko lanetan.
- d) Mungialdeko Udaleko Baliabide Orokorren Saila izango da espedienteen instruktorea, Mungialdeko Behargintza, SLren txostenak jaso ondoren.
- e) Eskatutako dokumentazio guztia aurkeztu ez duten eskatzaileei 10 egun balioduneko epea emango zaie eskabidea zuzendu eta eskatutako dokumentazioa aurkez dezaten, eta ohartarazi egingo zaie hori egin ezean, eskaeran atzera egin dutela ulertuko dela, Administrazio Prozedura Erkidearen 39/2015 Legearen 68. artikuluan ezarritakoaren arabera.
- f) Egiaztapenen eta eskaeren balorazioaren emaitzak aztertutakoan, Mungialdeko Behargintzak txostena egingo du, egindako ebaluazioaren emaitza zehazteko.
- g) Gaiaren arabera eskumena duen organoak, espedientea eta Mungialdeko Behargintzak egindako txostena ikusi ostean, ebazteko eskumena duen organoari diru-laguntza emateko proposamena egingo dio. Proposamen horretan, diru-laguntzen onuradunak eta proposatutako zenbatekoa adieraziko dira, bai eta proposamen horren arrazoiak ere.
- h) Udaleko Kontu-hartzaileak fiskalizatu egingo du Ebazpen-proposamen hori.
- i) Ebazpen-proposamenak ez dio proposatutako onuradunari inolako eskubiderik ematen Administrazioaren aurrean, harik eta diru-laguntza emateko ebazpena jakinarazten zaion arte.

EBAZPENA

Espedienteen behin betiko ebazpena Alkate-Udalburuak emango du.

Ebazpenek, diru-laguntza eman zaion eskatzailearen datuak eta diru-laguntzaren zenbatekoa jasotzeaz gain, diru-laguntzaren onuradunek bete beharreko baldintza orokorrak zein bereziak ezarri ahal izango dituzte.

Nolanahi ere, prozedura ebazteko gehieneko epea bi hilabetekoa izango da, deialdian eskabideak aurkezteko ezartzen den epea amaitzen den egunetik aurrera. Epe hori igaro eta ebazpen espresurik eman ez bada, eskaera ezetsizat joko da.

Aurrez-aurre egin beharreko jakinarazpenak pertsona edo erakunde interesdunek eskabideetan adierazitako tokian edo moduan egingo dira.

12. Diru laguntzaren ordainketa

Diru-laguntza horiek emandako zenbateko osoaren ordainketa bakarrean ordainduko dira, banku-transferentzia bidez, diru-laguntza emateko ebazpenaren egunetik aurrera, eta ez da beharrezkoa izango bermeak eratzea.

Betebeharrak betetzen ez badira, justifikatu gabeko funtsak itzuli egingo dira, dagozkien berandutze-interesen likidazioarekin batera.

13. Emandako diru-laguntzen publizitatea

Aurkezteko epea amaitu eta eskabide guztiak ebatzi ondoren, emandako diru-laguntzen zerrenda zehatza argitaratuko da Udalaren gardentasun-atarian, Diru-laguntzei buruzko azaroaren 17ko 38/2003 Lege Orokorren 18. artikulua eta Lege horren Erregelamendua onartzen duen uztailaren 21eko 887/2006 Errege Dekretuaren 30. artikulua arabera.

14. Dirulaguntza itzultzea

Jasotako zenbatekoa itzultzeko, hala dagokionean, DLOren II. tituluan eta DLOren III. tituluan xedatutakoa bete beharko da.

Diru-laguntzak emateko ebazpenaren balio gabetasun-arrazoiez gain (Diru-laguntzei buruzko Lege Orokorren 36. artikuluan daude jasota), jasotako zenbatekoak itzuli



beharko dira, osorik edo zati batean, bai eta dagokion berandutze-interesa ere, diru-laguntza ordaintzen den egunetik itzultzea bidezkoa dela erabaki arte, Diru-laguntzei buruzko Lege Orokorraren 37. artikuluan oro har aurreikusitako kasuetan.

Itzultze-prozedura hasteko aukerari kalterik egin gabe, diru-laguntza emateagatik ezarritako betebeharrak betetzen ez badira, pertsona edo enpresa onuradunak horren berri eman ahal izango dio organo kudeatzaileari sarrera-erregistroaren bidez, eta jasotako zenbatekoa borondatez itzuli. Udalarekin harremanetan jarri beharko da jarraitu beharreko izapideak egiteko.

Finantzaketa-soberakina, jardueraren benetako kostuari dagokionez; kasu horretan, soberakina itzuli beharko da.

Beste erakunde publiko edo pribatu batzuen diru-laguntza edo laguntzekin bat etortzeagatiko gainfinantzatze-kasuan, onuradunak Mungiako Udalak emandako zenbatekoa itzuli beharko du, hark finantzatutako guztizkoaren aldean emandako zenbatekoaren proportzioan.

15. Datuen babes

Datu pertsonalen tratamendu automatizatua. Datu pertsonalak babesteari dagokionez, Mungiako Udalak Datuak Babesteko Erregelamendu Orokorrean (2016/679 EB Erregelamendua) eta Datu Pertsonalak Babesteari eta eskubide digitalak bermatzeari buruzko 3/2018 Lege Organikoan xedatutakoaren arabera jardungo du. Bildutako datu pertsonalak Mungiako Udalaren ardurapeko tratamendu-jardueraren -Diru-laguntzak parte izango dira. Jarduera horren helburua diru-laguntzak kudeatzea eta kontrolatzea, iruzurrari aurre egitea eta estatistika-helburuak betetzea da.

Bildutako datuak beharrezkoak dira Mungiako Udalari emandako botere publikoak gauzatzeko eta legezko betebeharrak betetzeko, eta gai horretan eskumenak dituzten administrazio publikoei jakinarazi egin ahal izango zaizkie.

Datuen titularrek, datuak direla eta, eskuratzeko, zuzentzeko, ezabatzeko, aurka egiteko eta tratamendua mugatzeko eskubideak baliatu ahal izango dituzte. Horretarako, Mungiako Udalari (Trobika kalea 1) jakinarazpen idatzia bidali beharko diote. Datuen babesari buruzko informazio gehigarria eta zehatza helbide honetan ikus daiteke: <http://www.mungia.eus>